

Digitized by the Internet Archive
in 2018 with funding from
Getty Research Institute


ORATIO IN ADVENTU

SERENISSIMÆ. ARCHIDVCIS
MARIAE MAGDALENÆ AVSTRIACÆ
SERENISS. COSMO MEDICEO

Magno Tuscorum Principi nuptæ

A Laurentio Parisio Art. Med. q; Doct. & Ciue Florentino in summis AEdibus tanquàm habenda XV. Cal. Nou. M. D. CVIII.

Ad Illustrissimum Concinum Concinium.



*Florentiæ, Apud Franciscum Tofium,
Superiorum Permissu.*

ILLVSTRISSIMO DOMINO

CONCINO CONCINIO

Ex Comitibus Pennæ, ex Nobilibus Tallæ,

Christianissimæ REGINÆ Mariæ

Consiliario, & Equitatus

Præfecto.

Laurentius Parisius. S.P.D.



NON me solum ratio, sed Rodrigi Alidosij Castri Riui Domini gratiosi Sororij tui, & honore, & nomine viri illustrissimi tanta voluntas impulit, ut in eius etiam cupiditatem hanc orationem in Mariæ Magdalene Austriacæ aduentu, regio apparatu, omniquè ornatu acceptæ, ocys habui, nec me inscientia mea deterruit, nec aliorum conciones, nec poemata tam concinna, tam distincta, tam ornata, tamquè festiua, ut nihil sapientius, nihil argutius, à tam magno onere auocarunt, si quidè memet etiam optimi ciuis munus induxit. Tu enim probe nosti, mi Concine, in arte medendi Florentinos Medicos quàm longè procedere, me verò omnibus inferiorum; inter hosce tamen optimæ conditionis esse, maioresquè natu meos non exigua munera (licet de hoc hæsitent nonnulli) omni laude, reiquè publicæ dignitate gessisse, sed magnificentissimè Laurentiū Auum meū, qui Burgi Sancti Sepulchri, & Aretij Arcibus per an-

nos quinque supra viginti prepositus fuit : iccirco mihi
(inquam) non obscuro loco nato maior, quàm his inui-
dis huiusmodi laudandi necessitas imponitur. Verùm
cùm hæc oratio, quantumvis impolita, nec ullo artifi-
cio elaborata publicam lucem, Rodrigo suadente, aspi-
cere debeat, tuò nomini dicatam esse volui. Nonne
hoc tibi Mæcenati à me debetur totum, tuorum, maio-
rumque beneficiorum sempiterna memoria valde de-
uictò? cùm de me, patriisque rebus cogitandi ab omni-
bus unquàm prætermissum fuerit nullum, à magno
autem Cosmo fratre tuo, & compatre meo sanctæ re-
cord: , & à te maximè. Tu enim beneficentiam, &
liberalitatem ita colis, ne ulli locum concedas. Nemi-
nem à te vacuum (fas est iacentem erigere) unquàm
abire pateris. Fortunæ bona sic tenes, magis ut nul-
lus. Hanc nemo superabit, quoniam animi tui firmi-
tas, præstantia, atque sublimitas illam semper accumu-
labunt. Laus ergo liberalitatis, cæterarumque vir-
tutum uni maximo Concino debetur maximè; ideo
apud Christianissimam Reginam Mariam in magno
honore, ac præcio es. Tu Consiliarius, Tu Equitatus
Præfectus, Tu acceptus, Tu intimus, Tu isti Maie-
staticharus, atque incundus. Cùm autem iure opti-
mo summæ tui nominis dignitati hæc oratio inscri-
pta sit, eam quæso à maleuolis defende, & amplissi-
mo sinu tuo me excipe, ale, & fove, ut facis.
Vale Florentiæ. XIII. Cal. Nou. M. D. CVIII.

Alexandri Mellini I. C. Pistoriensis

*Reddidit ut medica Laurentius arte perennes
Sæpe viros pariter reddidit eloquio.
Si mortalis erit, Cosmi præconia laudum
Efficient ipsum nunc superesse diu.*

Nicolai Villanij Pistoriensis.

*Austriacæ Mariæ, magnorumquæ ampla parentum
Laurenti breuibus das monumenta notis.
Laus tibi sit, quoniam extenuas mirè ampla, sit illis
Qui præstant doctis extenuanda viris.*

Mathei Rossei Pistoriensis.

*Clarus in Hippocratis, Laurenti, dogmate, magnæ
Concelebras docto Principis ore, genas
Ipse sapis Phæbea haud fidens arte, superstes
In Mariæ Austriacæ nomine semper eris.*

Incerti.

*Præuia nobilitas comes intemerata Diana
Et formosa Venus, sic sine labe Charis.
Si quæ Deæ gressu nuptam comitantur euntem,
Ad sunt atquæ animis, quam decuit meritam.
Huic ortæ Austriadum claro de sanguine Regum
Inuidia maior gratia, forma, decus.*

O R A T I O.



LONGE equidem Augustissima Sponsa, valde operoso muneri mihi hodierna die iniuncto, multis profecto rationibus imparem me esse intelligo; nulla si quidem in me facundia, nulla verborum, nulla sententiarum dignitas, nulla tandem gravitas: omnes enim inscitia vinco; inde factum est, ut diu impositum munus renuerim, veruntamen valuit iubentis autoritas, quem mirifice diligo, ut vel me ipso demum maiora adoriri, atque audere praesumpserim superbe obtemperare, quam humiliter, ac demisse iussa renuere satis existimas. Nonne etiam qui egregium facinus aggreditur, & si illi prospere non succedat, metamque non attingat, laus tamen aliqua ei debetur? non ne honor habendus? Dicere igitur statuens, te etiam, atque etiam rogo, ut non me, sed vniuersum hunc populum loqui putes, qui vna hoc tempore praecclaro aspectu tuo perfruens, primum supremo illi omnium rerum opifici quam maximas agit gratias deinde tibi. O quantas tibi? Non quantas Florentia capit, sed quantas tu Serenissima Archidux. Tuus est enim ob incredibilem humanitatem tuae populus iste nunc, tu quoque ob singularem erga te obseruantiam illius esse debes. Ita me Deus amet, Princeps magna (tuorum Florentinorum nomine loquor videlicet quod sentiunt) nihil charius esse potuit illis hodie, de hoc sanctissimo connubio optime sperantibus, tuo optatissimo aduentu, tua praesentia, quae satis splendore prefulget. Cognoscunt enim in te non humanam, sed potius diuinam virtutem. Agnoscunt totam illam Boemiae, & Vngariae Reginam natam amitam tuam, omni muliebri laude praeter caeteras ornatissimam, omnium faminarum sanctissimam Ferdinandi Imperatoris suauissimam filiam, & Francisco Mediceo immortalis Cosmi Filio, quibus plus famae consecutus nemo fuit, in matrimonium collocatam. Phœnicem in Phœnice vident, in radio lumen.

B

Tu

Tu enim sanctissima Ioanna, cum olim à Deo Opt. Max. ad regendum hunc populum vnà cum magno Francisco tuo dilectissimo viro missa fuisti, cum inter Deos relata, ex alta ista cælesti specula nos mortales tibi deditissimos conspicias, me què de huius lectissimæ fæminæ heroicis, immo diuinis virtutibus, non pro illarum dignitate, sed pro meo tenuissimo captu, & modulo coram his clarissimis viris nobilitate, religione, humanitate, ac præstantia præditis verba facientem audis, ignosce quæso, & obsecro: si minus quàm deceat, sublimem earundem excellentiam extulero. Tu Ioanna, affectus omnes abiicisti, atque multum profecisti. Tu omni tempore clara extitisti, quæ optimè institutam, optimè temperatā, optimèq; moratā hanc florulentā ciuitatē vnus legibus vnus temperationibus multos annos ab omni bello, & dissensione incolumem, atque intactam conseruasti. Iustitia semper tibi cordi fuit. Pie religiosèquè vixisti. Amicitias Principum dandis, & non accipiendis beneficiis parasti, optimasque artes, optimarumquè artium opifices, quod incomparabili gloriæ excessit, illustrasti; idcirco omni laude, o maxime celebris, Florentiam rerum benegestarum gloria referfisti, & totam istam Tuscam ditionem tuam ex splendida splendidissimam reddidisti. Hæ sunt Imperatoriæ laudes, ac virtutes omnes, quæ te Reginam optimam è cælo delapsam, vt paulò ante memorauimus, inter cælites reuocarunt, famamquè tuam immortalitati consecratam inter fydera tulerunt.

Ioanna ergo, quæ maxima huiusciuitatis iactura olim ex hac vita migravit, alteram summam Ducem nobis dedit, Christernam Lotharingiam scilicet, Urbis & Orbis fulgens Hesper, cuius virtute, animi magnitudine, ac vitæ probitate nihil est nobilius; ipsa enim duce Deo vtitur, & iam iam, hac superstitè, quam Deus multos seruet in annos, alteram tali tantæquè amita dignam nobis tradit, vt magnum, & triste illud desiderium, quod in cælum reuertens Princeps illa magna vniuersæ Hetrutiæ, & præcipuè huic eminenti ciuitati reliquit sui, leniretur omnino, Mariam Magdalenam videlicet; de huius modo bona indole, de huius præcoci ingenio, de què

de què huius optimis moribus eam spem concipiunt omnes, vt Mariam Magdalenam non modò Ioannam æquaturam, sed & longo interuallo superaturam sperent, Ioanna què gloriam obscuraturam, modò id sit obscurare, & non potius illustrare, virtute virtutem vincere. Ecce Viri clarissimi, nouus iam sol nobis affulget. O fortunatam, ò se licet, ò beatam ciuitatem, quæ hanc sibi custodem, & dominam habitura est. Illuxit iam ex Austriaca familia foris non solum Margarita suauitate, & elegantia summa, sed Ioanna Christianæ religionis lumen, quarum fama nunquàm consenesceat; nunc verò tu, magna Princeps, multis quotidie modis ad Florentinorum gloriam. Sermones etenim tui sublimem quandam indicant mentem, diuina forsàn illa Platonis saturatam; summum tuum quoquè iudiciũ; acre ingenium, omni probitate, omni què regendi prudentia scatens, leporis elegantiam; in omni præterea re uenustatem, Christianæ lotharingæ penè dixerim, cœnibus (vt aiunt) numeris famina absolutissimæ, cuius amplitudinem, & antiquitatem generis quid amplius? Nata enim est ex magno Carolo Lotharingæ Duce claro, atq; singulari, & ex Claudia Valesia Henrici secundi francorum Regis, & Reginae Catharinæ filia. At Christianæ præstantem iustitiã, ac regias virtutes quarum copia magna, primo quoque tempore ad eam iam, imitantibus omnibus, confluxerunt, si omnes exponere vellem, prius mihi dies, quàm dicendi copia deficeret, sat. n. est dicere, quòd Lotharingia hæc virtutibus Orbem illustrat, quò factum est, vt omni oculo in ipsa conijciatur assiduè, atque ita, ò præclarissima sponsa, iudicant omnes, te fore multum ad mores, multum ad naturam, ad tam què grandis focius ingenium multum accomodatam, nec vnquã voluntatis, vel animi dissensionem, sed mutuum amorem fore inter vos, nihil què à vobis vnquam agi debere simul non aptè, non lepidè, non eleganter non vèhustè, & aureum quoquè sapientiæ vestræ flumen cum summa probitate inter vos perseveranter certaturum, vt vtra utrum exceßerit, an utrum ab utra excessum fuerit intelligere non licebit. Inest etiam vobis quædam dicendi facultas mihi o artificio constructa, uerum vulgaribus hominibus pro uestri ingenij magnitudine ferè absco-

data, clara tamen, ac perspicua eruditis, ac longè doctis viris. Dicerem pro tuo merito plura, Serenissima Archidux, verùm pro tua laudatione nil habeo, nisi beneuolentiam erga te recensere horum quinque præstantissimorum virorum inter eos cardines à Sanctissimo Pontifice rectorum, super quos Christianæ religionis postes vertuntur, nunc simul sponsalem diem tuum, alioque plures fulgenti cōspectu cohonestantium; magnitudinem Ferdinandi florentissimi Thuscis regni (paruo negotio dici potest) Imperatoris, & Chisternæ eius coniugis eximie fæminæ, & tandem tantorum Procerum (quos omnes honoris causa nomino), in quibus omnibus, & in hoc innumerabili cætu clarè patet, quàm cuncti de te bene sentiant. Adamant enim hi Sanctissimi Præsules, ac strenui Principes tuorum operum copiam, verborumque parsimoniam, cuius sermones similes semper legibus extant. Hinc propter omnia tua egregia facinora, propter tua in Ferdinandum Mediceum totius Italiæ decus, cui optata omnia contingunt, in Chisternam Lotharingiam, quæ tam beata est, quàm qui maximè, in Cosmum tuum iucundissimum sponsum, cui nihil modò ad felicitatem deest, in nos tandem omnes tui deditissimos promerita, pauimenta huius sacratissimæ, & augustissimæ aulæ, parietes huius aulæ, tecta huius aulæ, quæ nullo sensu prædita sunt, medius fidius, ut mihi videtur, tibi gratias agere gestiunt; & nos, qui viuimus, qui homines sumus, intelligentiæ radijs à diuina bonitate impartitè diuisa, & indiuisè partita illustrati, nulla te beneuolentia complectemur? nullo te honore afficiemus? nullis te obsequijs persequemur? minime id quidem, ne aut nostri beneficii immemores, aut tantorum meritorum obliti videamur; sed te heroico, atque augusto genere natam; Carolus enim Archidux Austriæ, & Maria Bauaria tibi parentes fuere, Imperator Maximilianus Patruus, Imperator Ferdinandus Auus, Imperator Carolus Quintus Patruus magnus, cui summo, prudentissimo, ac fortitissimo, Margaritam filiam, omni virtutum genere cumulatissimam Alexandro Mediceo Florentinorum Duci primo innumerabilium virtutum suarum studio in-

censo,

centio, & ad huius Ciuitatis decus, in vxorem dare valdè placuit; Rodolphus etiam Imperator, ad huc viuens, frater patruelis, Sigmundus Poloniae Rex inuictissimus, & Philippus Hispaniarum; Indiarum què Rex potentissimus (quasi Mundi Monarca) ambo sororij, nec prætermittam te esse in matrimonium datam magno Thaurorum Principi, gratia, ingenio, & industria florenti, in quo quantus pudor, quanta probitas, quanta penè perfecta ratio, quanta tandem matura prudentia sit, minimè in hac ætate sperata, vt vix excogitari possit. Hic est enim Hetruriæ altera spes, de cuius prouidentia, quam faustam; ac felicem precor, non possumus non optimè sperare omnes. In hoc Maiorum virtutum adeo altè sunt fixæ radices, vt non minus vberes fructus, quàm ab ipsis edituræ sint. Hic est (inquam) adolescens ille tot sapientissimorum Principum, tot Illustrissimorum Cardinalium, tot summorum Pontificum, qui ex hac Serenissima prolapsa, tanquàm ex equo Troiano, ortum duxerunt, charissimorumquè parentum gloria, & clarissimum quoddam lumen. Natus enim ad omnia videtur. Causas amoris in hoc magno Principe, o Archidux spectatissima, plurimas, odij autem inuenies nullas. Humanitatis ergo expers prorsus homo est, qui illum amore non complectatur. Nec omitam Christianissimam Mariam Religionis, & Florentinæ gloriæ decus magno Francisco Cosmi tui patruo progenitam. Hæc etiam est illa Maria Medicea fæmina lectissima, pudicitia, & castitatis laudibus clarissima Henrico Gallorum, & Nauarrorum Regi nupta, viro omnium virtute sapientia, potentia, ac gloria facile principi. Es tandem, o felicissima sponsa, Francisci, Caroli, ac Laurëtij Medicum fratria. Hi sunt ad omnes virtutis decus spectatissimi, ac omnibus naturæ dotibus, doctrinæquè præfidijs instructi; hinc suarum virtutum specimen dant minimè dubium; nihil enim faciunt non egregiè, quorum virtutis cursus extat planè ætate celerior; perspicuntur autem in his talia, & tanta ingenij indicia, vt iam facile pateat, quales viri futuri sint. Sed te (inquam) augusto genere natam, propterea natura bonam, conluetudine optimam beneuolentia complectemur, te què summa virtute præditam

ditam honore afficiemus immortali, & in ista alta specula constitutam obsequijs persequemur, tuoquē dicto audientes nunquam non erimus, præsertim quando ex eo tempore, quò pater annuerit, Cosmus tuus Thusciae ditionis clauum gubernandum suscipiet, tantam etenim de tua singulari in rebus agendis prudentia [fama nuncia) de tua singulari morum comitate, de tua singulari doctrina, de tua singulari in omnes benè doctos, ac benè moratos homines, in istū præsertim populum Florentinum beneuolentia expectationem concitaueris, vt breui sperandum sit, auream illam ætatem, te duce, redituram, qua nihil in terris expeti potest antiquius, nihil optatius, nihil què quòd ad diuinam perfectionem proprius accedere videatur. Ne igitur, humanissima Archidux, almæ huius Ciuitatis rectam mentem, æquumquè animum despicias velim, cuius nomine quatuor assidue tibi exopto gratias, mentis videlicet splendorem, voluntatis læticiam, corporis viriditatem, prolisquè optatissimæ fecunditatem, addo & quòd vna sit mens, vnus sit animus tuus, & magni Cosmi tui, sicut enim, matrimonio coniuncta corpora sunt, ita etiam indissolubili amoris copula nectantur animi, vt facilius populi omnes æqualance gubernentur. Adspirant iam ex alto hæ tibi gratiæ, & tandiu fæliciter adspirabunt, quàm diu gratis à Deo solum optimo maximo gratias accepisse te agnoueris, à quo præcipuè ob vitæ tuæ probitatem, & morum honestatem, nec non ingenij præstantiam ad Thusciae curam selecta es, citiusquè ad maiora, quod Deus Princeps maximus faxit. Ego enim ipsemet tanquàm in speculo aspicio, te quoquè, & si nihil ambientem, immo istis de rebus nihil cogitantem, ad maiorem dignitatem, videlicet proximam Thusciae Regiæ Maiestatis fastigio esse euehendam; quæ tuæ heroicæ virtutes, ac laudes, quæ te pergrandem, atquæ placidam mulierem è cælo demissam, postquàm ad hæc maiora, immo maxima, extulerint, in cælum reuocabunt, famamquè tuam nunquam interituram excelsiori, sublimioriquè afferent loco. Hæc ne diutius differantur, ò Augustissima Sponsa, hunc populum tui deducissimum, vt tua prosequaris pietate, humanitatequè supplex
exoro,

exoro, qui vnanimis ergà te deuotionem continuò testabitur ,
cui ut faueas, ambitiosus à te non sum rogaturus, cum
semper omni studio cunctos amplexeris, ipse enim
à te captus, atque delinitus, solitam humani-
tatem tuam audacter se experturum
confidit . Id autem actionis,
qualecunque sit, perpetu-
um meæ, Floren-
tinorumquè
ergà te obseruantiae indubitatum
pignus esse velim.
Dixi .

